

11. august 2006
2. februar 2006

UKA 2006/7
UKIU 2006/72

Inatsisissatut siunnersuummut nassuiaatit

Nalinginnaasumik nassuiaatit

1. Siunnersuutip siunertai imarisaalu pingaarnert:

Inatsisissatut siunnersuutip matuma tunngaviusumik atuarfiit namminersortitaasut atuarfiit illutassaannik sanaartornissaannut periarfissippai inissialiornermi aningaasaliissuteqartarnermi aqqissuut 10-40-50 naapertorlugu malittarisassat atuuttut sapinngisamik assingusut najoqqutaralugit. Tunngaviusumik atuarfiup namminersortitaasup nammineerluni sanaartornermi aningaasartuutit katinnerisa 10%-iat akilertussaavai, sanaartornermi aningaasartuutit 10%-iat kommunalbestyrelsip Naalakkersuisullu 30%-iat taarsigassarsiuutigissallugit. Sinneruttut 50%-it aningaaserivimmit taarsigassarsisitsisarfirmilluunniit taarsigassarsinikkut aningaasalersorneqassallutik. Kommunalbestyrelsip taarsigassarsiarititai Naalakkersuisullu taarsigassarsiarititai ukiuni 15-ini erniaaqqaratillu taarsersorneqassanngillat, taassuma kingorna ukiuni 10-ni taarsersorneqassallutik.

Tamakku saniatigut tunngaviusumik atuarfiup namminersortitap aningaasalersuinermi ani-ngaasartuutissaanut allanut Naalakkersuisut kommunalbestyrelsilu tapiissuteqarsinnaapput taarsigassarsisitsillutilluunniit.

Allannguutissatut siunnersuutip qulakkiissavaa tunngaviusumik atuarfiit namminersortitat sanaartornissamut aningaasalersuinermi pitsaanagerusunik periarfissiissaaq, taamaaliornikkullu naatsorsuutigineqartariaqassalluni tunngaviusumik atuarfiup namminersortitap aningaasaqarnera pitsaasumik sunnerneqassalluni taamaalillunilu tunngaviusumik atuarfiit namminersortitat pilersinnissaat ajornaannerulissalluni kiisalu angajoqqaat akiliutaannut ikilisaataassalluni. Nuuk International Friskole, KANUKOKA, IMAK aamma Sulisitsisut Peqatigiiffiat Naalakkersuisut tusarniaaffigimmagut akissutini isornartorsiunerit taamaalilluni ilalernerneqassapput.

2. Allaffissornikkut aningaasarsiornikkullu pisortanut sunniutissat:

§ 18a-imi oqaasertassatut siunnersuutit, atuarfiup namminersortup illutassaannik sanaartornermi aningaasartuutissat 30%-iinik Naalakkersuisut taarsigassarsisitsinissaannut pisussaaffilernerneq landskarsip aningaasaliinissaanut pisariaqartitsinermik kinguneqarsinnaavoq. Assersuutigalugu Nuummi atuarfiup namminersortup illutassaannik sanaartorneq 70 mio. kr.-eqarpat, landskarsip aningaasaliissutissai 21 mio. kr.-iussapput. Peqqussutissatulli siunnersuut Ani-ngaasanut Inatsisikkut sanaartornermut taarsigassarsisitsinikkullu immikkut

anigaasartuutiniq kinguneqassanngilaq, anigaasartuutimmi sanaartornermi taarsigassarsinermilu anigaasaliissutit nussorneqarnerisigut anigaasalersorneqartussaapput. Malugeqquneqarportaaq Nuummi atuarfimmik namminersortumik sanaartorneq maanna atuarfeqarnikkut pioreersut annertusarnissaannik pisariaqartitsineq millisissavaa. Tamakku saniatigut allannguutissatut siunnersuut Namminersornerusunut immikkut anigaasartuutaassanngilaq, taamaallaat malittarisassanik suliarinninnernut atatillugu anigaasartuuteqarnerussallutik kiisalu akisussaaffigisami maanna anigaasanik immikkoortitsiffiunngitsumut allaffissornermut allanullu anigaasartuuteqassallutik.

Kommunit eqqarsaatigalugit allannguutissatut siunnersuut anigaasatigut allaffissornikkullu kinguneqarnissaanut kommunimi tunngaviusumik atuarfimmik namminersortitamik pilersitsisoqassanersoq apeqqutaassaaq. § 18a-imi oqaasertassatut siunnersuutit, atuarfiup namminersortup illutassaanik sanaartornermi anigaasartuutissat 10%-iinik kommunip taarsigassarsisitsinissaanut pisussaaffilerneru kommunip anigaasaliinissaanut pisariaqartitsinermik kinguneqarsinnaavoq. Assersuutigalugu Nuummi atuarfiup namminersortup illutassaanik sanaartorneq 70 mio. kr.-eqarpat, kommunip anigaasaliissutissai 7 mio. kr.-iussapput.

3. Anigaasatigut allaffissornikkullu inuussutissarsiornermut sunniutissat:

Inatsisissatut siunnersuut allaffissornikkut anigaasatigullu inuussutissarsiornermut sunniuteqassanngilaq.

4. Avatangiisinut pinngortitamullu sunniutissat:

Inatsisissatut siunnersuut avatangiisinut pinngortitamulluunniit sunniuteqassanngilaq.

5. Allaffissornikkut innuttanut sunniutissat:

Inatsit malillugu siunissami tapiissutinik innuttaasunit qinnuteqaateqartoqarsinnaanerata, tassungalugu uppersaasiinissamut piumasqaammik il.il. innuttat eqquutitsiniissaasa saniatigut inatsisissatut siunnersuut allaffissornikkut sunniuteqassanngilaq.

6. Naalagaaffeqatigiinnermut namminersulernissamullu tunngassutillit:

Inatsisissatut siunnersuut naalagaaffeqatigiinnermik nunattaluunniit namminersulernissaanik attuisuussanngilaq.

7. Tusarniaaneq:

Siunnersuutip saqqummiunneqarnissaa sioqqullugu tusarniaassutigineqanngilaq. Siunnersuutigineqarpoq siunnersuutip aappasaaneerineqarnissaa 2006-imi upernaakkut ataatsimiinnissamut kinguartinneqassasoq. Taassuma tungaanut Naalakkersuisut qinnuigineqassapput oqartussanut kattuffinnullu il.il. attuumassuteqartunut tusarniaassasoq, tusarniaanermilu akissutaasut Inatsisartuni ataatsimiititalianut suliarinnittussanut ingerlanneqassallutik, taamaalilluni ataatsimiititaliap siunnersuummik suliarinninneranut ilanngutissallugit.

Siunnersuummi aalajangersakkanut ataasiakkaanut nassuiaatit

§ 1-imut

Siunnersuutigineqarpoq § 18, imm. 2 atorunnaassasoq. Tunngaviusumik atuarfiup namminersortitap illutassaanik sanaartornermut aningaasaliissutissanullu assingusunut kommunalbestyrelsi tapiissuteqarnissaanik taaarsigassarsisitsinissaanullu piginnaatitaanissaanik aalajangersagaq, allannguutissatut siunnersuutip § 18a aamma § 18b taarserneqassalluni.

Naalackersuisut aamma kommunalbestyrelsi tunngaviusumik atuarfiup namminersortup illutassaanik sanaartornissamut taarsigassarsisitsissapput. Atuarfiup illutassaatut eqqarsaatigineqarput illuutit tamarmik, soorlu init atuartitsiviusussat, init assassorluni (pillorissarluni) sammisaqarfiit, soorlu nipilersorneq, eqaarsarneq, iganeq assassornerlu, sananeq il.il. kiisalu init allaffissornermut atugassat. Sulisunut inissiat ilanngunneqanngillat. Tunngaviusumilli atuarfiit namminersortitat sulisunut inissianik sanaartornermut taarsigassarsisinnaapput, inissialiortiternermi aningaasaliissuteqarneq pillugu Inatsisartut peqqussutaat atuuttoq naapertorlugu.

Atuarfiup illutassaanut sanaartornermut taarsigassarsinermi 10-40-50 malillugu sanaartornermi malittarisassat assigerluinnangajappaat, soorlu inissialiortiternermi aningaasalersuineq pillugu peqqussummi naleqqussarneqarsimasut. Tunngaviusumilli atuarfiit namminersortitaasut atuarfiup sanaartornissaanut taarsigassarsinissaannut inatsisitigut pisinnaatitaapput, tamatumunnga piumasaqaatit allat eqquutsinneqarpata.

Tunngaviusumik atuarfiup namminersortitaasup nammineerluni sanaartornermi aningaasartuutit katinnerisa 10%-iat, s.ass. angajoqqaat akiliutaat, katersiniarnerit, aningaasaateqarfimmit tapiissutit nammineerluniluunniit taarsigassarsiat imm. 3-mi taaneqartutut illutaq pingaarnertut qularnaveeqqusiullugu aningaaserivimmit taarsigassarsisitsisarfirmilluunniit taarsigassarsineq atorlugu akilertussaavai, sanaartornermi aningaasartuutit 10%-iat kommunalbestyrelsip Naalackersuisullu 30%-iat taarsigassarsiuutigisassallugit. Sinneruttut 50%-it, illutat pi-ngaarnertutillugit qularnaveeqqusiunneqarnerisa qulakkeerneqarnerisigut aningaaserivimmit taarsigassarsisitsisarfirmilluunniit taarsigassarsinikkut aningaasalersorneqassallutik.

Kommunalbestyrelsip Naalackersuisullu taarsigassarsisitsissutigisai ukiuni 15-ini erniaalersorneqaratillu taarsersorneqassanngillat, taassumalu kingorna ukiuni 10-ni taarsersorneqassallutik. Pisortanit taarsigassarsiat taakku imm. 3 naapertorlugu siuliani taaneqartutut aningaaserivimmit taarsigassarsisitsisarfirmilluunniit taarsigassarsiatut pingaarnersiukkatut, qularnaveeqqutinilli pigisaqartuusinnaasunit allanit siulliullugit, qularnaveeqqutitigut qulakkeerneqassapput.

Sanaartornermi aningaasartuutit katinnerinut ilaapput pilersaarusionermut aningaasartuutit, sanasunut aningaasartuutit, sanaartornermi taarsigassarsinermi erniaat, sumiiffimmi sanaartorfigissaaneq, sanaartornermi allaffissorneq kiisalu inatsisitigut uppernarsaasiornernut aningaasartuutit.

Tunngaviusumik atuarfiup namminersortitap sanaartornermi aningaasartuutit 10%-iinik nammineq akiliinissaata saniatigut piumasaqaatit allat arlallit atuupput. Tunngaviusumik atuarfik namminersortitaq nunaminertamik tunineqassaaq, sanaartukkallu sanaartornermi pilersaarusernermilu inatsit atuuttoq malinneqassaaq, kiisalu sanaartornermi najoqqutassat atuuttut eqquutsittussaallugit. Taamattaq sanaartornissamut pilersaarut aningaasaqarnerlu kommunalbestyrelsimit Naalakkersuisunillu nalilerneqassaaq akuerineqarlunilu. Taarsigassarsisitsisut allamik aalajanginngippata illuutinik tunisisoqarpat imaluunniit aserfallatsitsisoqarsimappat taarsigassarsiat akilerneqassapput, kiisalu tunngaviusumik atuarfiup namminersortitap kinguaattoorutinik akileeqquneqarluni kingusinnerpaamik ullut 7-it qangiunnerini akilersimangippagit. Pisortat taarsigassarsisitsisusut aningaasatigut qulakkeerunneqarnissaat aalajangersakkakut tassuuna qulakkeerniarneqarneruvoq. Oqaaseqatigiit "Taarsigassarsisitsisut allamik aalajanginngippata" atorlugu tamanna timalimmik siunertamut naapertuuttut isigineqarpat taarsigassarsisitsisooq piumasaqaatinik missingiilluni qasukkaallatsitsisinnaatissavaa, s.ass. piumasaqaatip tiguneqarneranit akiliisitsinissamut piffissaliussap ullunit 7-nit sivilunerunissaata akuerineratigut. Inatsimmili naatsorsuutigineqartumit taarsigassarsisitsinermut piumasaqaatit sakkortunerusut atorneqarnissaannik pisortat piumasaqaateqarsinnaatitaassanngillat.

Tunngaviusumik atuarfiup namminersortitap aningaasaliissutinut allanut aningaasartuutissaanut Naalakkersuisut kommunalbestyrelsilu tapiissuteqarsinnaallutillu taarsigassarsisitsisinnaapput. Aningaasaliissutissatut aningaasartuutit tassaasinnaapput pequtisiortornerq. Taamaattorli tunngaviusumik atuarfik namminersortitaq taama tapiiffigineqarnissaminut taarsigassarsitinneqarnissaminulluunniit inatsisitigut piumasaqarsinnaanngilaq.

§ 2-mut

Siunnersuut naapertorlugu inatsit ulloq 1. januar 2007 atuutilissaaq.